

Bosna i Hercegovina
Federacija Bosne i Hercegovine
Kanton Sarajevo
Općina Trnovo
OPĆINSKI NAČELNIK



Bosnia and Herzegovina
Federation of Bosnia and Herzegovina
Sarajevo Canton
Municipality of Trnovo
MUNICIPALITY MAJOR

P R O G R A M R A D A
OPĆINSKOG NAČELNIKA I SLUŽBI ZA UPRAVU
OPĆINE TRNOVO ZA 2021.GODINU

Trnovo, januar 2021. godine

Na osnovu člana 98. Stav 2 Zakona o organizaciji organa uprave u Federaciji BiH ("Službene novine FBiH", broj: 35/05), člana 15. Zakona o principima lokalne samouprave u Federaciji BiH – ("Službene novine FBiH", broj: 49/06) i člana 38. Statuta Općine Trnovo ("Službene novine Kantona Sarajevo", broj: 12/08), Općinski načelnik na __. sjednici Općinskog vijeća Trnovo, podnosi

P R O G R A M R A D A

OPĆINSKOG NAČELNIKA I JEDINSTVENOG OPĆINSKOG ORGANA UPRAVE I SLUŽBI ZA UPRAVU OPĆINE TRNOVO ZA 2021. GODINA

I

UVODNI DIO

Program rada Općinskog načelnika za 2021. godinu zasnovan je na zakonski definisanim nadležnostima Općinskog Načelnika i općinskih službi, pri čemu se vodilo računa o procjenama do kojih se došlo izvršenom analizom rezultata rada u 2020. godini, planovima u oblasti gradnje i komunalne infrastrukture, te objektivnim potrebama razvoja naše općine.

Programom rada za 2021. godinu utvrđuju se strateški pravci i opredjeljenja koja suštinski ne odstupaju od ranijih programa općinskog načelnika i jedinstvenog općinskog organa uprave i ostalih općinskih službi, već predstavljaju kontinuitet sa istim. Po svojoj sadržini ovaj Program pred općinske organe i službe postavlja zahtjeve takve vrste koji podrazumijevaju da se javnim poslovima upravlja u granicama zakona, te da se prilikom obavljanja vlastitih nadležnosti radi i djeluje u interesu stanovnika općine i investitora, a što podrazumjeva i visok stepen odgovornosti, odnosno organ mora postati servis za građane i investitore.

Po svom karakteru ovo je planski akt, te će se u skladu sa tim sve aktivnosti koje su predmet Programa rada predvidjeti, a njihova konačna realizacija zavisit će od objektivnih okolnosti koje budu prisutne u datom momentu.

Stalni zadatak Općinskog načelnika i Općinskih službi za upravu je iznalaženje načina za što bolje funkcionisanje Općinske uprave koja će omogućiti i servisirati osnovne potrebe građana na način da se njihovi pojedinačni zahtjevi rješavaju stručno i profesionalno u zakonski propisanim rokovima. U tom cilju će se u 2021. godini uskladiti sa Zakonom svi podzakonski akti koji omogućuju što efikasniju

upravu prilagođenu potrebama građana i poslovnih subjekata. Isto tako će se nastaviti sa stručnim usavršavanjem državnih službenika i namještenika, na poboljšanju transparentnosti i protoku informacija unutar administracije i prema građanima i poslovnim subjektima.

Usvojena Politika kvaliteta Općine Trnovo i dosljedno pridržavanje odredbi uspostavljene općinske politike, jeste jedan od mehanizama za stalno poboljšanje kvaliteta naših usluga uz dosljedno poštivanje zakonitosti i načela jednakosti pred zakonom.

II

PROGRAMSKI CILJEVI ZA 2021. GODINU

Program rada je usaglašen sa Programom rada Općinskog vijeća u dužoj transparentnoj proceduri sporazumijevanja i dogovaranja svih subjekata odlučivanja u Općini.

Prilikom izrade Programa vršeno je usaglašavanje sa planovima koji se odnose za Trnovo kod viših institucija vlasti i drugih stručnih institucija.

I pored naprijed navedenog, osnovni ciljevi ovog programa u godini koja je pred nama su postavljeni realno pa se može očekivati da će se i realizovati. Prije svega, nastaviće se raditi na poslovima i projektima koji su započeti u predhodnoj godini i uporedo će se otpočeti neki novi projekti i aktivnosti u oblastima u kojima je propisana nadležnost općine.

Prije svega, i dalje će se raditi na stvaranju što povoljnijeg ambijenta za ulaganja u investicione programe i to kroz obezbjeđenje bitnih pretpostavki za dodjelu neizgrađenog građevinskog zemljišta u svrhu građenja, kako bi se u konačnici ostvarili i određeni finansijski efekti na Budžet općine.

Intenzivno će se raditi na nastavku realizacije već definisanih i usvojenih urbanističkih projekata. Na ovaj način općina dolazi do novih izvornih prihoda koji su dugoročni i obezbjeđuju njenu opstojnost.

Općina Trnovo će zajedno sa drugim općinama Kantona Sarajevo, intezivno raditi na rješavanju određenih ključnih pitanja koja su bitna za funkcionisanje općine kao jedinice lokalne samouprave, kao i za život i dobrobit njenih građana.

Nastaviti ćemo sa realizacijom započelih infrastrukturnih projekata na području cijele općine obuhvatajući i dio koji je pripao RS-u.

Održavanje visokih ekoloških standarda planira se i u ovoj godini nastaviti kroz uređenja korita rijeka, održavanje vodovodnih sistema i postrojenja za prečišćavanje voda, izgradnju podzemnih niša na području Babinog Dola.

Rad na socijalnim programima u 2021. godini biće prisutan u mjeri u kojoj je to neophodno i reflektovaće se kroz dodjele jednokratnih novčanih i drugih vidova pomoći socijalno najugroženijim kategorijama stanovništva, dodjela stipendija srednjoškolicima i studentima i djeci boračke populacije.

Angažovanje općine po pitanju mladih i ove godine naći će svoje mjesto u programskim aktivnostima Općinskog Načelnika i to daljim omogućavanjem za sticanje radnog iskustva kroz podršku pojedincima u izradi samoodrživih projekata za samozapošljavanje u oblasti poljoprivrede i turizma i pomoć privrednim subjektima koji će uposliti mlade stručne kadrove. Stvaranje uslova i pretpostavki za zapošljavanje na prostoru općine Trnovo biće također jedan od prioritarnih programskih zadataka Općinskog Načelnika u 2021. godini.

U pogledu predstavljanja Općine Trnovo u 2021. godini bit će neophodno organizovati kulturne i sportske manifestacije na prostoru Igmana i Bjelašnice, sportskim i kulturnim društvima i višim nivoima vlasti, kako bi promovisali ljetnu i zimsku ponudu za građane Kantona Sarajevo i šire.

Podršku boračkoj populaciji planirati u segmentu programa pomoći pripadnicima određenih boračkih kategorija kroz sufinansiranje projekata iz oblasti zapošljavanja i socijalne pomoći. Partnerski odnos vlasti i boračkih udruženja i u ovoj godini će doći do izražaja kroz realizaciju Kalendara značajnih datuma i događaja, kao i izgradnju objekta za smještaj boračkih udruženja.

Saradnja sa vjerskim zajednicama i humanitarnim organizacijama u cilju unapređenja odnosa i pomoći lokalnom stanovništvu biće u fokusu interesovanja Općinskog Načelnika.

Značajan dio aktivnosti odnosiće se na stvaranje uslova za efikasan rad općinskih službi i održavanje definisanog i dostignutog standarda uz odlučnost za stalno poboljšanje kvaliteta uz dosljedno poštovanje zakonitosti.

Glavne aktivnosti u Program rada Općinskog načelnika za 2021. godinu treba da obuhvate sljedeće:

- Priprema, donošenje i izrada novih planskih dokumenata,
- Izgradnja poslovno sportskog centra Trnovo,
- Nastavak započetih radova na infrastrukturnim projektima na cijelom prostoru općine,
- Intezivirati aktivnosti na efikasnijem ostvarivanju prihoda u svim oblastima,

- Primjena visokih ekoloških standarda pri realizaciji infrastrukturnih i drugih projekata,
- Sa nadležnim nivoima vlasti raditi na detaljnijem definisanju zaštićenog područja u smislu zoniranja i finasiranja istih,
- Nastaviti sa izgradnjom turističkih potencijala obuhvatajući sufinansiranje sa drugim investitorima uz aktivnu promociju istih,
- Kroz podršku poljoprivredi stvoriti povoljniji ambijent za realizaciju projekata iz svih oblasti poljoprivrede,
- Uspostaviti usaglašen kalendar kulturnih i sportskih manifestacija na prostoru općine,
- Nastaviti sa projektom stimulacije privrednih subjekata i pojedinaca u pogledu zapošljavanja i samozapošljavanja mladih,
- Nastavak započetih aktivnosti na izradi projekata infrastrukture za integrisani turistički grad, Igman i Bjelašnicu,

Precizniji plan aktivnosti slijedi u daljim tačkama Programa koje su definisane po izdvojenim oblastima na koje se odnose.

III

OBLAST INTERNE REVIZIJE

U skladu sa Zakonom o internoj reviziji i Pravilnikom o kriterijima za uspostavljanje jedinice za internu reviziju u javnom sektoru u Federaciji Bosne i Hercegovine Općina Trnovo je obavezna uspostaviti internu reviziju. Program rada interne revizije za 2021.godinu je sastavljen na osnovu Strateškog plana interne revizije za period 2021-2023, te Godišnjeg plana interne revizije za 2021. godinu, a u skladu sa Zakonom o internoj reviziji u javnom sektoru u Federaciji BiH, Standardima interne revizije, Metodologijom rada interne revizije u javnom sektoru u Federaciji BiH i Priručnikom za procjenu rizika i planiranje interne revizije u javnom sektoru u Federaciji BiH.

Cilj planiranih revizija u 2021. godini je procjena da li su ove oblasti precizno definisane, da li su procesi detaljno utvrđeni, evidentirani i dokumentovani, da li su sve aktivnosti u skladu sa zakonima i propisima koji regulišu ovu oblast, kao i da li su svi procesi i aktivnosti u područjima koje su planirane za revidiranje, efikasni, ekonomični i transparentni. U skladu sa ciljevima revizija, daće se preporuke za unapređenje procesa i metodologije rada gdje je to potrebno.

Tokom 2021. godine, Interni revizor će svoje djelovanje i aktivnosti posebno usmjeriti na:

- Osiguranje efikasne, učinkovite i transparentne interne revizije u Općini,
- Ostvarivanje svih utvrđenih prioriteta i ciljeva Općine,

- Stvaranje uslova za efikasno, djelotvorno i učinkovito trošenje budžetskih sredstava,
- Redovito izvještavati Općinskog načelnika o svim aktivnostima u vezi rada interne revizije, stručnim revizorskim mišljenjima i preporukama,
- Usklađivanje rada interne revizije sa Zakonima o internoj reviziji i metodologijom rada koja proizlazi iz međunarodnih revizorskih standarda IIA,
- Kadrovsku osposobljenost i kontinuirano stručno usavršavanje.
- Izrada Strateškog i Godišnjeg plana interne revizije
- Obavljanje redovnih i ad hoc revizija
- Praćenje preporuka prethodnih revizija
- Edukacija i stručno usavršavanje
- Izvještavanje u skladu sa Zakonom
- Saradnja sa CHJ FMF

IV

OBLAST URBANIZMA, PLANIRANJA, INVESTICIJA I KOMUNALNE INFRASTRUKTURE I ZAŠTITE ČOVJEKOVE OKOLINE

Pored redovnih planskih aktivnosti iz nadležnosti urbanizma i planiranja težište angažovanja u 2021. godini biće na sljedećim oblastima i aktivnostima:

Oblast urbanizma i prostornog planiranja

Sredstva planirana od naplate rente, a usmjerit će se na izradu projekata:

- Izrada Urbanističkog projekta Bukova ravan sredstva će se obezbjediti iz rente a usmjerit će se na izradu geodetskih podloga, koncept, Nacrta i prijedloga plana sa idejnim rješenjima objekata.
- Izmjene i dopune Regulacionog plana Igman sredstva će se obezbjediti iz rente a usmjerit će se za izradu geodetskih podloga, elaborata sa geotehničim i geološkim karakteristikama tla te koncepta, Nacrta i Prijedloga plana,
- Izmjene i dopune Urbanističkog projekta Gornja Grkarica sredstva će se obezbjediti iz rente a usmjerit će se na izradu koncepta, nacrtu i prijedloga plana sa idejnim rješenjima,
- Izrada Urbanističkog projekta Kolijevka sredstva će se obezbjediti iz rente a usmjerit će se na izradu geodetskih podloga, elaborata o geološko - geotehničkim karekteristikama tla, koncepta, nacrtu, prijedloga plana sa idejnim rješenjima,
- Izrada Plana parcelacije Kuća spasa sredstva će se obezbjediti iz rente a usmjerit će se za izradu geodetskih

podloga, elaborata o geološko-geotehničkim karakteristikama tla, koncepta, Nacrta i Prijedloga plana,

- Izrada projekta adrenalinske staze u kanjonu Rakitnice sredstva obezbjeđena od Vlade Federacije BiH a usmjerit će se za izradu projektne dokumentacije adrenalinske staze,
- Izrada projekta pješačke staze Sportski centar - Gornja Grkarica sredstva će se obezbjeđiti iz rente a usmjerit će se za izradu projektne dokumentacije za izgradnju pješačke staze,
- Izrada projekta revitalizacije i uređenja naselja sredstva će se obezbjeđiti iz rente a usmjerit će se na završetak projekta za naselje Vrela,
- Izrada projekta puta Sinanovići – Sljemena - Argud sredstva će se obezbjeđiti iz rente a usmjerit će se na izradu Glavnog projekta,
- Izrada projekta mosta pod Garežom sredstva će obezbjeđiti JP Ceste FBiH za izradu Glavnog projekta,
- Izrada projekta Proskok –Krstac sredstva će se obezbjeđiti iz rente,
- Izrada projekta sale u Šabićima i doma zdravlja na Bjelašnici sredstva će se obezbjeđiti iz rente a usmjerit će se na izradu Glavnih projekata,
- Izrada strateške procjene uticaja na okoliš sredstva će se obezbjeđiti iz rente a usmjerit će se za izradu strateške procjene,
- Izrada projekta vodovoda Štinji Do – rezervoar Štinji do sredstva će se obezbjeđiti iz rente a usmjerit će se na izradu Glavnog projekta,
- Izrada strategije razvoja turizma sredstva će se obezbjeđiti od Ministarstva privrede Kantona Sarajevo,
- Izrada projekta jahorinskog potoka u Kijevu sredstva će se obezbjeđiti iz uređenja građevinskog zemljišta
- Izrada projekta uređenja potoka sredstva će se obezbjeđiti iz uređenja građevinskog zemljišta
- Izrada Elaborata za pribavljanje vodnih akata sredstva će se obezbjeđiti iz uređenja građevinskog zemljišta
- Izrada projekta rezervoara Brutusi, Gračan brdo i Pendičići sredstva će se obezbjeđiti iz uređenja građevinskog zemljišta
- Izrada projekta prečistača u Bijeloj i pod Bobovicom sredstva će se obezbjeđiti iz rente.

Izgradnja, rekonstrukcija, sanacija puteva

- Sanacija puta Gornja Grkarica - Pendičići - dionica Močevići - Donja Grkarica sredstva će obezbjeđiti Direkcija za puteve Kantona Sarajevo,

- Sanacija puta Gornja Grkarica - Sinanovići -dionica Lukavac – Šabići sredstva će obezbjediti Direkcija za puteve Kantona Sarajevo,
- Izgradnja kružnog toka na Grkarici sredstva će obezbjediti Direkcija za puteve Kantona Sarajevo
- Sanacija i asfaltiranje puta kružni tok – Štinji do sredstva će se obezbjediti iz rente,
- Sanacija puta Garež – Delijaš sredstva će obezbjediti JP Ceste FBiH i općina Trnovo iz uređenja građevinskog zemljišta,
- Izgradnja mosta pod Govedovićima na Crnoj rijeci sredstva će obezbjediti JP Ceste FBiH
- Sanacija i asfaltiranje lokalnih puteva sredstva će se obezbjediti iz uređenja građevinskog zemljišta, a usmjerit će se na asfaltiranje puteva,
- Učešće u sufinansiranju projekata sa Ministarstvom saobraćaja po Sporazumu Babin do –Štinji do, Šakote -Lukavac, Prokresa -Bijele vode.
- Zimsko održavanje puteva sredstva će se obezbjediti iz naknade za dodjeljeno građevinsko zemljište,
- Sanacija i asfaltiranje šumskih puteva sredstva će se obezbjediti iz OKFŠ-a,
- Sanacija i asfaltiranje puteva uz učešće građana sredstva će se obezbjediti iz uređenja građevinskog zemljišta i učešća građana.

Izgradnja Poslovno – sportskog centra

- Izgradnja sportskih terena sredstva će se obezbjediti od Ministarstva kulture i sporta,
- Izgradnja terena sa balonom sredstva će se obezbjediti od Ministarstva kulture i sporta,
- Izgradnja sportske dvorane i relax zone sredstva će se obezbjediti iz uređenja građevinskog zemljišta,
- Izgradnja tribine i pumpne stanice sa rezervoarom za vodu sredstva će se obezbjediti od Ministarstva kulture i sporta,
- Izgradnja infrastrukture u poslovno - sportskom centru sredstva će se obezbjediti iz uređenja građevinskog zemljišta,

Izgradnja vodovodne i kanalizacione mreže

- Izgradnja rezervoara Javorov do -sredstva obezbjeđena od Ministarstva privrede Kantona Sarajevo,
- Izgradnja vodovoda Pandurica- Šiljak - akumulacija II -sredstva obezbjeđena od Ministarstva privrede Kantona Sarajevo,

- Izgradnja postrojenja za tretman otpadnih voda na Gornjoj Grkarici
- sredstva će se obezbjediti od CMSR-a, Ministarstva komunalne privrede i infrastrukture, Vlade FBiH i naknade za uređenja građevinskog zemljišta,
- Izgradnja prečištača otpadnih voda u Delijašu
-sredstva će se obezbjediti od Ministarstv akomunalne privrede i infrastrukture,
- Izgradnja kanalizacije u selima
-sredstva će se obezbjediti od Ministarstva komunalne privrede i infrastrukture a usmjerit će se na izgradnju kanalizacija Dujmovići, Kramari, Gaj i Milišići,
- Izgradnja kanalizacije u selima
- sredstva će se obezbjediti iz Ministarstva komunnalne privrede i infrastrukture Kantona Sarajevo,
- Opremanje bioprečištača u Šabićima
sredstva će se obezbjediti iz uređenja građevinskog zemljišta,

Ostali objekti

- Izgradnja škole u prirodi – vanjsko uređenje
- sredstva obezbjeđena od Ministarstva obrazovanja nauke i mladih Kantona Sarajevo
- Izgradnja objekta za zdravo starenje
-sredstva će se obezbjediti iz uređenja građevinskog zemljišta
- Izgradnja planinarskog doma na Pandurici
-sredstva obezbjeđena od Vlade FBiH i naknade za uređenje zemljišta
- Rekonstrukcija kuće spasa
- sredstva će se obezbjediti iz uređenja zemljišta
- Izgradnja mostova
- sredstva će se obezbjediti iz uređenja zemljišta,
- Izgradnja spomen kompleksa Proskok
- sredstva će se obezbjediti od Vlade FBiH i naknade za uređenje zemljišta
- Izgradnja i održavanje javne rasvjete
-sredstva će se obezbjediti iz Ministarstva komunalne privrede i infrastrukture i naknade za uređenja zemljišta
- Izgradnja javnih česama
-sredstva će se obezbjediti iz rente,
- Izgradnja ograda na grobljima
- sredstva će se obezbjediti iz naknade za uređenje zemljišta i učešća građana,
- Izgradnja putokaza na ulazu u općinu
- sredstva će se obezbjediti iz naknade za uređenje zemljišta,
- Izgradnja naplatnih rampi
- sredstva će se obezbjediti iz Ministarstva komunalne privrede,

- Izgradnja niša
 - sredstva obezbjeđena od Ministarstva komunalne privrede i infrastrukture,
- Rekonstrukcija sportskih ploha
 - sredstva će se obezbjediti od Ministarstva obrazovanja i naknade za uređenje zemljišta i Ministarstva kulture i sporta FBiH,
- Izgradnja dječijeg igrališta
 - sredstva će se obezbjediti iz Ministarstva komunalne privrede,
- Uređenje pećine Klokočevice
 - sredstva obezbjeđena od Turističke zajednice,
- Izgradnja šetnica
 - sredstva će se obezbjediti iz naknade za uređenje zemljišta,
- Interventne mjere i pomoć drugim općinama
 - sredstva će se obezbjediti iz naknade za uređenje zemljišta a usmjerit će se za hitno djelovanje na objektima
- Hitne intervencije na infrastrukturnim objektima
 - sredstva će se obezbjediti iz naknade za uređenje zemljišta,
- Uređenje korita Rakitnice, bijele i Crne rijeke, uređenje suhih korita i hitne intervencije na čišćenju bujičnih potoka
 - sredstva će se obezbjediti iz Ministarstva privrede,
- Sanacija klizišta
 - sredstva će se obezbjediti od uprave civilne zaštite Kantona Sarajevo,
- Deminiranje terena
 - sredstva će se obezbjediti iz naknade za uređenje zemljišta i sredstva međunarodnih organizacija,
- Učešće sa drugim investitorima i građanima
 - sredstva će se obezbjediti iz naknade za uređenje zemljišta, građana i drugih institucija i organizacija, a u cilju zajedničkog finansiranja projekata,
- Izgradnja spomen obilježja pčela u Godinji
 - sredstva će se obezbjediti iz naknade za uređenje građevinskog zemljišta,
- Izgradnja alpine coaster staze
 - sredstva će se obezbjediti od Ministarstva privrede Kantona Sarajevo,
- Obnova stambenih objekata
 - sredstva će se obezbjediti iz naknade za dodjeljeno zemljište, a usmjerit će se za nabavku građevinskog materijala i ugradnju
- Izgradnja garaže
 - sredstva će se obezbjediti iz rente
- Sanacija bunarice u Lukavcu
 - sredstva će se obezbjediti iz rente
- Izgradnja vodopojilišta Stubo
 - sredstva će se obezbjediti iz rente
- Izgradnja ledene plohe na Bjelašnici
 - sredstva će se obezbjediti iz uređenja zemljišta
- Nabavka mobilijara za praznično ukrašavanje
 - sredstva će se obezbjediti iz uređenja građevinskog zemljišta.

Ostale usluge

- Rješavanje imovinsko -pravnih odnosa i nabavka zemljišta
- sredstva će se obezbjediti iz naknade za dodjeljeno zemljište,
- Vršenje stručnog nadzora
-sredstva obezbjeđena iz naknade za dodjeljeno zemljište,
- Održavanje nekropola stećaka Dolovi i Prečani
-sredstva obezbjeđena iz naknade za dodjeljeno zemljište,
- JKP Trnovo
- sredstva obezbjeđena od Ministarstva komunalne privrede i infrastrukture i uređenje građevinskog zemljišta,
- Presentacija turističke ponude
-sredstva obezbjeđena od turističke zajednice
- Opremanje škole u prirodi
- sredstva će se obezbjediti iz Ministarstva za obrazovanje nauku i mlade.

Zajednički projekti sa drugim investitorima

- Izgradnja puteva u RS
- sredstva će se obezbjediti iz naknade za uređenje građevinskog zemljišta,
- Izgradnja javne rasvjete
- sredstva će se obezbjediti iz naknade za uređenje građevinskog zemljišta.

V

OBLAST PRIVREDE, FINANSIJA, LOKALNOG EKONOMSKOG RAZVOJA I TURIZMA

U 2021. godini planiraju se pored redovnih poslova i zadataka realizovati i sljedeće aktivnosti po oblastima:

Oblast finansija

- Stvoriti uslove za podizanje finansijske discipline na veći nivo, te iznalaziti i druge mogućnosti koje mogu doprinijeti jačanju finansijske stabilnosti,
- Kontinuirano i pravovremeno izvršavanje budžetske obaveze,
- Efikasnija naplata prihoda u svim oblastima,
- Koordinirati sa većim nivoima vlasti oko naplate potraživanja i grantova koje oni finansiraju,
- Raditi na iznalaženju novih metoda i mogućnosti ostvarivanja vlastitih prihoda,
- Ostvariti efikasniju koordinaciju između službi u smislu realizacije planova, odluka, rješenja i zaključaka.

Oblast turizma

- Nastavak izgradnje hotelskih i drugih kapaciteta, kao i sadržaja ljetne ponude
Izgradnja poslovno sportskog centra Trnovo na Babinom Dolu u okviru kojeg je planirana izgradnja dvorane, hotela, nogometnog stadiona sa prirodnom travom, nogometnog stadiona pod balonom i vještačkom travom, univerzalne sportske plohe, zabavni dječiji park i adrenalinski park, te apartmanske jedinice sa javnim sadržajima.
- Izgradnja memorijalnog centra Proskok
- Afirmacija kulturno historijske i duhovne baštine općine
- Sufinansirati projekte koji se realizuju uz podršku EU iz oblasti turizma
- Postavljanje tabli (turističke, promotivne, ...) na ulaze u Općinu Trnovo
- Izraditi turistički vodič općine
- Promocije i pripreme za sajam
- Identificirati glavne marketinške aktivnosti za turizam
- Uspostaviti saradnju sa Turističkom zajednicom KS
- Raditi na uspostavi poslovne jedinice Turističke zajednice KS na području Općine Trnovo.
- Pružanje podrške udruženjima koji promovišu tradiciju i kulturu ovog područja
- Obilježavanje planinarskih, turističkih i ratnih staza u saradnji sa relevantnim subjektima
- Uspostavljanje povoljnijeg ambijenta za razvoj privatnog sektora u oblasti turizma
- Razvoj ruralnog turizma
- Obilježavanje datuma vezanih za okoliš i turizam

Oblast poljoprivrede

- Na turističkim područjima objediniti i organizirati prodaju poljoprivrednih proizvoda, domaćih proizvođača, te promovirati tradiciju i kulturu ovog područja kroz izradu autentičnih rukotvorina i suvenira i njihov plasman na šire tržište
- Podstaci govedarsku proizvodnju
- Podrška izgradnji kapaciteta za organizovani otkup poljoprivrednih proizvoda, ljekovitog bilja i šumskih plodova (ako postoji interes)
- Podrška uspostava novih robnih proizvođača koji mogu biti samostalni i kooperanti (ako postoji interes)
- Podržati privredne subjekte koji otvaraju nova radna mjesta na teritoriji općine u cilju proizvodnje organske hrane (ako postoji interes)
- Nastaviti podršku stočarstvu i poljoprivrednoj proizvodnji
- Podsticaji u poljoprivrednoj proizvodnji (na nivou viših nivoa vlasti Kanton i Federacija)
- Stvaranje boljeg ambijenta za razvoj poljoprivredne proizvodnje

- Osnivanje udruženja koje će baviti razvojem poljoprivredne proizvodnje
- Podrška mladim poljoprivrednim proizvođačima.

Oblast poduzetništva

- Podsticati razvoj obrta i malih preduzeća za pružanje usluga
- Edukacija u oblasti poduzetništva
- Podrška lokalnom stanovništvu u uspostavi i promocija lokalnih proizvoda i usluga.

U cilju zapošljavanje mladih općina će:

- Stimulisati privredne subjekte koji omoguće sticanje pripravničkog/volonterskog staža, koji je uslov za zasnivanje radnog odnosa za mlade iz Općine;
- Nastaviti program za sticanje pripravničkog i volonterskog staža u Jedinственном općinskom organu uprave;
- Stimulisati poslovne subjekte koji će otvoriti nova radna mjesta u Općini i zapošljavaju mlade, nezaposlene osobe;
- Podsticati izgradnju individualne infrastrukture kao pretpostavke za razvoj poljoprivrede;
- Finansijski jednokratno i stimulatивно podsticati sve mlade nezaposlene osobe iz Općine koji se odluče za bavljenje stočarstvom uz ispunjenje minimalnih standarda proizvodnje;
- Finansijski jednokratno i stimulatивно podsticati sve mlade nezaposlene osobe iz Općine koji se odluče za proizvodnju turističkih suvenira Općine;
- Finansijski jednokratno i stimulatивно podsticati sve mlade nezaposlene osobe iz Općine koji se odluče za zapošljavanje u oblasti turizma.

Pored mogućnosti zapošljavanja koje pruža poljoprivreda i turizam, neophodno je raditi na otvaranju radnih mjesta i u segmentima pružanja podrške Javnom komunalnom preduzeću Trnovo i na taj način omogućiti zapošljavanje lokalne radne snage uz mogućnost finansiranja sa Kantonalnog i Općinskog nivoa uz efikasnije i ekonomičnije održavanje komunalne infrastrukture, te otvoriti mogućnost ostvarivanja vlastitih prihoda.

U oblast privrede je ubačena i oblast javnih nabavki. U skladu s tim, nakon donošenja budžeta donijet će se Plan javnih nabavki za 2021. godinu. Isti će sadržavati projekte predviđene Budžetom, te će se realizacija svakog pojedinog vršiti u skladu s prilivima sredstava te ukazanom potrebom.

VI

OBLAST KATASTRA I IMOVINSKO PRAVNIH ODNOSA

Po zahtjevu stranaka i po službenoj dužnosti :

- Vršiti cijepanje parcela, snimanje izgrađenih objekata, provođenje nastalih promjena kroz katastarski operat.
- Vršiti provođenje promjena za nosioce prava kroz katastarski operat.
- Vršiti izdavanje potvrda o kućnom broju.
- Kontinuirano pratiti realizaciju infrastrukturnih projekata u cilju iskolčenja i rješavanja imovinsko pravnih odnosa.

Nastaviti praćenje realizacije projekta Softwera katastar.ba.Održavanje i ažuriranje podataka adresnog registra.

Pored redovnih poslova i zadataka iz oblasti katastra i imovinsko pravnih odnosa angažman u 2021. godine biće i na sljedećem projektima:

Urbanistički projekat „Poslovno sportski centar Trnovo“.

Provođenje procedure za raspolaganje nekretninama u vlasništvu općine (pripremanje odluke o načinu i uslovima raspolaganja nekretnina u vlasništvu općine Trnovo za Općinsko vijeće, licitiranje, priprema ugovora o kupoprodaji) za neizgrađeno građevinsko zemljište u sklopu Urbanističkog projekta „Poslovno sportski centar Trnovo“.

Prenos građevinskih parcela sa iskolčenjem objekata u sklopu Urbanističkog projekta „Poslovno sportski centar Trnovo“.

Urbanistički projekat “Bjelašnica Štinji do”.

Provođenje procedure za raspolaganje nekretninama u vlasništvu općine (pripremanje odluke o načinu i uslovima raspolaganja nekretnina u vlasništvu općine Trnovo za Općinsko vijeće, licitiranje, priprema ugovora o kupoprodaji) za neizgrađeno građevinsko zemljište u sklopu Urbanističkog projekta “Bjelašnica Štinji do”

Prenos građevinskih parcela sa iskolčenjem objekata u sklopu Urbanističkog projekta “Bjelašnica Štinji do”

Urbanistički projekat “Kolijevka”,

Izuzimanje zemljišta u postupku eksproprijacije za realizaciju Urbanističkog projekta “Kolijevka”,

Urbanistički projekat “Bjelašnica II faza”,

Prenos građevinskih parcela sa iskolčenjem objekata u sklopu Urbanističkog projekta “Bjelašnica II faza”,

Izdavanje geodetskih podloga ,koordinata geodetskih tačaka i katastarskih podataka za izradu sljedeće provedbeno planske i projektne dokumentacije:

- Izrada Urbanističkog projekta Bukova ravan
- Izmjene i dopune Regulacionog plana Igman
- Izmjene i dopune Urbanističkog projekta Gornja Grkarica
- Izrada Urbanističkog projekta Kolijevka
- Izrada Plana parcelacije Kuća spasa
- Izrada projekta adrenalinske staze u kanjonu Rakitnice
- Izrada projekta pješačke staze Sportski centar - Gornja Grkarica
- Izrada projekta revitalizacije i uređenja naselja -
- Izrada proejkta puta Sinanovići - Sljemena -Argud
- Izrada projekta mosta pod Garežom
- Izrada projekta puta Proskok -Krstac
- Izrada projekta sale u Šabićima i doma zdravlja na Bjelašnici
- Izrada strateške procjene uticaja na okoliš
- Izrada projekta vodovoda Babin do -rezervoar Štinji do
- Izrada strategije razvoja turizma
- Izrada projekta uređenja potoka
- Izrada Elaborata za pribavljanje vodnih akata
- Izrada projekta rezervoara Brutusi, Gračan brdo i Pendičići
- Izrada projekta prečistača u Bijeloj i pod Bobovicom

VII

OBLAST UPRAVE, DRUŠTVENIH DJELATNOSTI, BORAČKE, DJEČIJE I SOCIJALNE ZAŠTITE

U 2021. godini planiraju se pored redovnih poslova i zadataka realizovati i sljedeće aktivnosti po oblastima:

Stimulisanje održivog povratka i ostanka mladih

U cilju stimulisanja održivog povratka i ostanka maladih općina će:

- Stipendirati učenike srednjih škola koji stanuju na našoj Općini;
- Stipendirati odlične redovne studente iz Općine;
- Stipendirati studente iz Općine iz porodica slabijeg imovinskog stanja;

- Jednokratno finansijski podržati odlične studente na master i doktorskom studiju;
- (Su)finansirati prekvalifikaciju mladih iz Općine i osposobljavanje za tržište rada (za deficitarna zanimanja);
- (Su)finansirati edukaciju mladih iz Općine za dodatna znanja i vještine (arapski i engleski jezik, računarski programi, certifikati za računovođe itd);
- Kontinuirano podržavati JU OŠ „Zaim Kolar“-Trnovo;
- Izdvajanje novčane pomoći novovjenčanim parovima na području općine.

Sa kvalitetnim i tržišno konkurentnim obrazovanjem mladi će biti konkurentni na tržištu rada.

Povećanjem otvaranja radnih mjesta, zapošljavanjem, izgradnjom infrastrukture, investicionim ulaganjima, stimulativnom obrazovnom politikom i razvojem turizma općina će nastaviti podršku povratku u općinu kroz:

- Nastavak implementacije (u skladu sa svojim nadležnostima) Aneksa VII Dejtonskog sporazuma - povratak prognanih;
- Stimulisanje uspostavljanja kvalitetnog gradskog saobraćaja i povezanosti svih dijelova Općine sa Sarajevom;
- Nastavak korektne saradnje sa Opštinom Trnovo (RS);
- Pomoć stipendiranju učenika i studenata - povratnika u Opštinu Trnovo (RS);
- Nastavak pružanja finansijske podrške socijalnim kategorijama stanovništva.

Oblast boračko invalidske zaštite

Iako nadležnost za pružanje pomoći boračkim populacijama imaju ministarstva za boračka pitanja FBiH i Kantona Sarajevo, Općina Trnovo će iz posebnog respekta prema njima:

- Nastaviti finasijsku podršku udruženjima koji okupljaju boračku populaciju;
- Nastaviti brigu o boračkim kategorijama stanovništva (jednokratne novčane pomoći, pomoć u liječenju oboljelih);
- Nastaviti brigu o djeci šehida i poginulih boraca posebno u segment zapošljavanja a u skladu sa nadležnostima Općine;
- Jednokratne novčane pomoći u slučaju smrti osobe iz boračke kategorije stanovništva;
- Podržati naučno-istraživačke projekte o ulozi boraca Općine u odbrambeno-oslobodilačkom ratu 1992-1995 godina.

Oblast socijalne zaštite stanovništva

U okviru raspoloživih kapaciteta i u saradnji sa višim nivoima vlasti unaprijediti zdrastvenu zaštitu stanovništva. Posebnu pažnju posvetiti zaštiti starih i iznemoglih

osoba, osoba sa invaliditetom i porodicama sa djecom. Omogućiti socijalnu zaštitu osobama i porodicama bez stalnih izvora prihoda, kao i porodiljama, u saradnji sa centrom za socijalni rad. Obezbjediti jednokratna davanja socijalnim kategorijama, pomoć u nabavci udžbenika roditeljima koje imaju troje i više djece.

Izdvajanje novčane pomoći neudatim ženama preko 50 godina bez primanja.

Izdvajanje noćanih pomoći za novorođenčad.

Izdvajanje novčanih pomoći za liječenje težih oboljenja, pomoć u slučaju smrti užeg člana porodice i pomoć djeci sa posebnim potrebama.

Pomoć u nabavci udžbenika porodicama koje nemaju nikakva primanja. Pomoć osobama bez starateljstva.

Oblast sporta i kulture

- Kreirati uslove na poboljšanju kulturnog i sportskog stvaralaštva na prostoru općine, te pružiti podršku razvoju i promovisanju kulturnih i sportskih djelatnosti (organizacija manifestacija koje imaju sportski i kulturološki karakter);
- Kreirati uslove za očuvanje, zaštitu i prezentaciju kulturnog i tradicijskog nasljeđa na prostoru općine i razvoju kulturnog turizma;
- Inicirati i poboljšati informisanje i organizovati razne vidove edukacija stanovništva o kulturnoj svijesti i izražavanju;
- Raditi na poboljšanju organizovanja sportskih, tradicionalnih manifestacija koji su od izuzetnog značaja za historiju općine;
- Poduzimati aktivnosti na omasovljenju bavljanja sportom kroz organizovanje sportskih takmičenja, škola skijanja, plivanja, planinarenja, biciklizma, itd.;
- Poboljšanje uslova za bavljenje sportom, kako u takmičarskom tako i u rekreativnom smislu, kroz izgradnju i obnovu sportske infrastrukture na prostoru općine;
- Uspostaviti kalendar za sportske i kulturne manifestacije;

VIII

OBLAST CIVILNE ZAŠTITE I INSPEKCIJSKIH POSLOVA

Nastaviti kontinuiranu saradnju sa Federalnom upravom CZ, Kantonalnom upravom CZ Sarajevo, Oružanim snagama BiH, MUP-om, BH MAC-om, Centrom za uklanjanje mina u Bosni i Hercegovini, humanitarnim organizacijama osposobljenim za uklanjanje i uništavanje MES-a i NUS-a u cilju čišćenja od istih.

Po prijavi od strane građana, uzeti podatke o lokaciji te izvršiti obavještanje nadležnih timova ili obilježavanje MESa- ili NUS-a i njegovo uklanjanje.

BH MAC-u, Regionalni ured Sarajevo, Federalnoj upravi CZ dostaviti planove prioriteta za deminiranje u 2021. godini na osnovu kojeg će se izraditi projekti deminiranja. Na osnovu ovih projekata potrebno je iznaći finansijska sredstva za njihovu realizaciju.

Pratiti projekte od interesa općine te u slučaju smetnji za njihovu realizaciju uslijed miniranosti, raditi na izradi projekata za deminiranje i realizaciju deminiranja.

Da bi se preduprijedile i ublažile posljedice prirodnih i drugih nesreća i zaštitili životi ljudi i materijalna dobra neophodno je stalno provođenje slijedećih mjera:

- Ažuriranje Procjene ugroženosti od prirodnih i drugih nesreća,
- praćenje Plana procjene ugroženosti od požara,
- praćenje Plana zaštite od požara i postupanje po istom;
- Planiranje, uređenje i izgradnja požarnih puteva;
- Redovno održavanje protivpožarne opreme;
- Edukacija stanovništva i uposlenih na zaštiti od požara;
- Praćenje plana realizacije, sanacije klizišta i izrada planova sanacije za nova klizišta;
- Nastavak aktivnosti na regulaciji vodotoka rijeka;
- Regulacija i čišćenje rijeka;
- Sanacija obala korita nastalih potkopavanjem vode;
- Zabrana gradnje objekta u blizini korita rijeka;
- U cilju spriječavanja snježnih lavina vršiti postavljanje zaštitnih mreža;
- Osmatranje, otkrivanje i praćenje opasnosti od prirodnih i drugih nesreća, te pravovremeno izvještanje nadležnih organa i uzbunjivanje stanovništva o postojećoj opasnosti.

Oblast inspekcijskog nadzora:

- Vršiti kontrolu donesenih rješenja o urbanističkoj saglasnosti, građevinskoj dozvoli i upotrebnoj dozvoli,
- Kontrolu nad učesnicima u građenju, rad organa uprave,
- Vršiti kontrolu i uviđaje objekata usljed dotrajalosti i oštećenja,
- Vršiti uviđaje i kontrolu nad infrastrukturom općine,
- Vršiti kontrolu održavanja grobalja od lokalnog značaja,
- Vršiti kontrolu održavanja javnih česama,
- Vršiti kontrolu izdatih rješenja o zauzimanju javnih površina,
- Vršiti kontrolu izvođenje radova i kvalitet građevinskih proizvoda koji se ugrađuju,
- Aktivnosti sprječavanja bespravne gradnje.
- Vođenje aktivnosti na uklanjanju bespravno izgrađenih građevina,
- Inspekcijski nadzor nad provođenjem zakona i propisa koji se odnose na: lokalne i nekategorisane ceste, njihovu gradnju, rekonstrukciju, korištenje i održavanje; upravljanje i zaštitu lokalnih i nekategorisanih cesta, njezine infrastrukture; zaštitni cestovni pojas i njegovo korištenje;
- Pojačana kontrola sa nadležnim Kantonalnim inspekcijama, posebno na prostoru Bjelašnice i Igmana,

IX ZAVRŠNI DIO

Program rada obuhvatio je strateška opredjeljenja koja će biti tretirana i realizovana u ovoj godini, što će biti okvir za rad organa uprave i službi za upravu Općine Trnovo, a također će podrazumjevati da će službe u okviru svog djelokruga rada planirati određene aktivnosti i zadatke koje će biti usaglašene sa Budžetom općine, ovim Programom rada, Programom naplate i usmjeravanja sredstava naknade za pogodnost građevinskog zemljišta, a u izvještajnom periodu će biti sastavni dio izvještaja Općinskog načelnika.

Broj: 02-02-427

Datum: 12.02.2021. godine

Trnovo

OPĆINSKI NAČELNIK

Ibro Berilo